

Newspaper	UTUSAN MALAYSIA
Date	17 JANUARY 2017

# Dr. M digesa henti mainkan isu BR1M

Um - 17/1/2017

**PADANG TERAP 16 Jan.** - Pengerusi Parti Pribumi Bersatu Malaysia (PPBM), Tun Dr. Mahathir Mohamad digesa menghentikan polemik mengenai Bantuan Rakyat 1Malaysia (BR1M) yang dijadikan sebagai modal politik untuk memburuk-burukkan inisiatif kerajaan dalam membantu golongan berpendapatan rendah.

Ahli Majlis Tertinggi UMNO, Datuk Seri Mahdzir Khalid berkata, Dr. Mahathir yang sebelum ini menyifatkan BR1M sebagai rasuah kini membuat 'pusingan U' apabila menyedari penerimaan rakyat terhadap bantuan tersebut amat positif.

"Apabila menyedari (Dr. Mahathir) yang BR1M begitu dekat di hati rakyat, tidak boleh sentuh mengenai BR1M, maka perkara itu tidak disentuhnya. BR1M (sekarang) telah dianggapnya sesuatu yang positif dan akan diteruskan jika pembangkang berjaya menguasai kerajaan."

"Di Padang Terap, kira-kira 24,000 orang dapat BR1M. Cuba bayangkan pusingan ekonomi



**Apabila menyedari (Dr. Mahathir) yang BR1M begitu dekat di hati rakyat, tidak boleh sentuh mengenai BR1M, maka perkara itu tidak disentuhnya. BR1M (sekarang) telah dianggapnya sesuatu yang positif dan akan diteruskan jika pembangkang berjaya menguasai kerajaan."**

**MAHDZIR KHALID**  
Ahli Majlis Tertinggi UMNO

yang berlaku di kawasan ini dengan adanya BR1M. Jika memabitkan seluruh negara, sudah pasti kesan positifnya lebih memberangsangkan," katanya selepas program Ziarah Kasih anjuran Yayasan Kemiskinan Darul

Aman (Yaked) di sini hari ini.

Kelmarin, Dr. Mahathir ketika berucap dalam majlis pelancaran PPBM di Stadium Melawati, Shah Alam, Selangor membayangkan pemberian BR1M akan diteruskan dan diagih-agihkan kepada pegawai kerajaan sekiranya pembangkang berjaya menguasai kerajaan.

Menurut Mahdzir, bekas Perdana Menteri itu perlu mencari isu politik yang dapat membantu rakyat, bukannya terus berpolemik soal BR1M yang sememangnya memberi kesan positif kepada golongan berpendapatan rendah.

"Kita cakaplah perkara politik yang lain yang memberi manfaat kepada rakyat secara menyeluruh," ujarnya.

Terdahulu dalam program Ziarah Kasih, Mahdzir menyampaikan sumbangan katil kepada pesakit lumpuh, Ahmad Saridi Abdullah, 49, di Kampung Padang Setol dan sebuah motosikal khas kepada Sawim Leethin, 37, yang merupakan orang kurang upaya (OKU) di Kampung Tanjung.